

PRANU REGIONALE DE PREVISIONE, PREVENTZIONE E CUMBATA
CONTRA SU FOGU annu 2005/2007

Prescritziones Regionales pro su fogu 2007

Aprovadu cun delibera de sa Giunta Regionale n°15/33 de su 19 de arbile de su 2007

Prescritziones de cuntrastu a is atziones chi, fintzes solu potenzialmente, podent fàghere pesare fogu in logu e tempus de arriscu asi comente si narat in is literas c) e d) de s' art. 3 coma 3, de sa Lege de su 21 de santandria de su 2000, n. 353.

PRESCRIZIONES REGIONALES

TÍTULO I

Disposiciones Generales

Artículo 1

(Prescritciones antincèndiu e períodu de apricatzione)

In atuatzione de s' articulu 3, coma 3, litera f) de sa Lege de su 21 de santandria de su 2000, n° 353, custu provedimentu dissipinat is prescritziones de cuntrastu pro totu cuddas atziones chi, fintzes solu potenzialmente,chi podent fàghere pesare fogu in logos e tempus de arriscu pro su sartu.

A subra de sa carta de arriscu de fogu e de is índices de perígul, is disponiduras inditadas in su coma immentuadu innantis, si ponent in pràtica in totu su territóriu de sa Sardigna cunforma a is articulos chi sighint.

Custas prescritziones sunt parte integrante de su pranu regionale de previsione, preventzione e cumbata contra de su fogu pro s' annu 2005/2007 e ant a abbarrare in vigore pro totu su períodu de vigentza de custu pranu, francu is possíbbiles revisiones.

Artículo 2

(Comente avisare candu si biet unu fogu)

Chi si siat chi apat bistu unu fogu depet avisare, in modu chi si potzat aprontare totu su chi servit po chi ddu istudare, mascamente si depet telefonare o a su númeru birde 1515 de sa Forestale o a su 115 de is vigiles de su fogu o a su 113 de sa politzia o a su 112 de is carabbineris.

Chie si siat chi iscat calecuna cosa chi potzat servire pro cumprèndere chi est su chi a postu fogu, ddu depet inditare a is números de telèfunu immentuados innantis.

Artículo 3

(Tempus de arriscu mannu pro su fogu)

Dae sa primu die de lampadas fintzes a su 15 de santuaine, est in vigore su " istadu de arriscu mannu pro su fogu".

Ponende in contu s' annada, cun determinatzione de su Cumandante de sa Forestale, apustis de ddu aere pubbricadu in su Bulletinu ufitziale de sa Regione, su períodu de "Istadu de arriscu mannu pro su fogu" podet essere antitzipadu o postitzipadu fintzes de trinta dies e fintzes pro ambitos territoriales ispecíficos.

TÍTULO II

Arriscu mannu de fogu in su buscu e in su sartu

Artículo 4

(Ite est unu buscu)

Pro sa appricatzione de custas prescritziones su buscu est unu logu ammundadu a matedu, asi comente si narat in s' articulu 2 coma 6 de su D.lvu de su 18 de maju de su 2001, n°227, comente inditadu in su allegau "A".

Artìculu 5

(Totu is cosas chi non si podent fàghere)

In su perìodu inditadu in su articulu 3, in totue de su territòriu de sa Regione, francu pro is dispositziones de s' articulu III, non si podet:

1. Allumare fogu, fintzes si fessit pro abbrussare arrestugu, crisura o malesa;
2. Fàghere iscopiare minas o atos esprosvos;
3. Fulliare bràsia;
4. Fulliare de sa macchina o lassare in terra alluminos, zigarros o sigaretas allumadas chi potzant fàghere pesare su fogu;
5. Frimmare unu mezu cun marmita catalitica acanta de in ue ddu est arrestugu, erba sicada o cosa chi si podet allupiare;
6. Impreare in su buscu aparechios cun fràmmula pro segare ferru, impreare motores, forreddos o forros chi faghent bràsia o chi pesant istrinchidios de fogu
7. Fàghere calesisiat cosa chi potzat pesare su fogu.

Non si podent fàghere nemmancu manifestatziones pirotecnicas in totus cussos logos in ue ddu est erba sicada o atra cosa chi si potzant allupiare.

Artìculu 6

(Ite si depet fàghere si si che est pesadu su fogu)

Pro zare amparu a sa gente, si capitat chi si che siat pesadu su fogu, si ant a depere fàghere totu custas cosas;

Si est pesandesi unu fogu tocat:

1. A provare a chi ddu istudare solu si du est su logu pro si che fuire, ponendesi palas a bentu e iscudende asua de sa frammula cun naes birdes e friskas fintzes a chi ddu istudare;
2. A non si frimmare acanta de su fogu o in su chirru in ue est tirende su bentu
3. A no istare atressende in su camminu annuadu de fumu o in ue due sunt tentas de fogu
4. A non frimmare sa macchina immesu de sa bia (su fogu no est unu ispetaculu)
5. A non si che pònnere in fila cun atras màchinas si non faghet a torrare asegus
6. A fàghere passare is mezos de succursu, lassende libera sa bia.
7. A inditare a is iscuadras de succursu in ue si podet passare.
8. A pònnere a dispositzione riservas de abba e atras atretzaduras

Si si che agatat in unu logu in ue du est fogu tocat:

1. A cricare de si che fuire; unu camminu o s' abba
2. A atraessare su fogu in ue est prus pagu pro chi passare a su ghiru giai abbrussiadu

3. A si che croccare in terra in ue du est erba frisca chi non potzat abbrussare issundindesi cun abba o cun atras cossa ignifugas e preparendesi a candu at a arribbare su fumu respirende cun unu pannu issustu postu in denanti de sa buca.
4. Si si che agatat in mare, a si che andare in ue du est sa rena o a si che iscùdere in mesu de s' abba: (est su logu prus siguru);
5. A non si atrivire a chi liare sa màchina o sa moto o is cosas chi sunt istetias lassadas aintru.
6. A inditare sa propria preséntzia
7. A apozare de su fogu is bòmbolas de gasu e is tambulanas de licuidu infiammabile;
8. A non si che bessire de domo si non si ischit de siguru chi sa bia pro si che fuire est aperta
9. A disativare s' impiantu eletricu agende in su misuradore de currente;
10. A serrare bene cun paperi adesivu e pannos issustos jennas e ventanas
11. A aprontare istregios de abba e pannos issustos e a si che fuire aintru de domo respirende ponindesi in denanti de sa buca unu pannu issustu.

TÍTULU III

Dèrogas ispecificas

Artículu 7

(Impreu de forreddos e de su fogu)

S' impreu de forros e forreddos a gasu, eletricos o a crabone est permítu solu a cussos chi tribagliant in su sartu chi tenet su dovere de fàghere meda atenzione, e chi ant a dèpere pulire su terrinu de acanta, allumare su fogu in zasu apozadu de su bentu e aillargu de is matas, de s' erba sicada o de s' arrestugu, e portare sempre acanta una riserva de abba.

In is zassos atretzados cun istruturas fissas e pulidas dae materiales infiammables, si podet allumare su fogu e impreare forreddos a gasu o a crabone solu pro aprontare s' ite de papare. Chi at allumadu su fogu at a dèpere fàghere atenzione de chi ddu istudare prima de si che andare.

Artículu 8

(Impreu de minas e de esprosivos)

S' impreu de minas e esprosivos est permítu solu a cussos chi tribagliant in is gavas e minieras, e chi apant pigadu totu is precauciones comente cussa de pulire su terrinu de acanta de materiale infiammabile, de allumare su fogu in giassu de apoza e aillargu de is matas, de erba sicada o de arrestugu, e de portare sempre acanta s' abba.

Artículu 9

(Impreu de atretzos chi podent bogare fogu)

In su perìodu de arriscu de fogu, si si depent impreare atretzaduras chi bogant fogu est obbrigatoriu fàghere una doa, diat a essere una fàscia de terrinu chi siat pulida de arrestugu e malesa.

Pro s' impreu de màchinas agrícolas est obbrigatoriu aprontare una adeguada atretadura antincendiu e fintzes pessones chi potzant agiudare si capit chi si che peset su fogu. Abarrat su divieto de impreare atretzaduras chi podent bogare fogu in totu cussos giassos inditados in s' artículu 4

Artículu 10
(Atras dèrogas)

Is Servitzius territoriales Ispettoraos Dipartimentales de sa Forestale e de sa Vigilantza ambientale, chi tenet cumpeténtzia in su territóriu, candu du est su caràtere de ecetzionalidade e asua de una richiesta motivada, ant a podere zare dèroga a is divietos zande, apusti de una istrutoria, una autorizatzione in ue ant a depere inditare totus is modalidades de esercítziu e de preventzione pro is atividades chi sunt ogetu de autorizatzione.

TÍTULU IV
Impreu cunsentidu de su fogu

Artículu 11
(*Fàghere a nou o pulire is doas*)

Candu du est sa cundizione de arriscu mannu pro su fogu non si podent fàghere a nou o pulire is doas chi giai si agatant, impreande su fogu etotu.

Dae su 1° de lampadas fintzes a su 30, is doas si podent pulire cun su fogu, apustis de aere otentu s' autorizatzione iscrita de su Servitziu Territoriale chi est cumpetente in su territóriu.

In custos propios terrinos o pro fàghere custas cosas etotu, s' impreu de su fogu depet essere fatu apricande totu is cautelas, modalidades e prescritziones chi si ant a immentuare in is artículos chi sighint.

Artículu 12
(*Ite si depet fàghere de sa malesa e de su chi abarrat de comente si est trabagliada sa terra*)

Dae su 1° a su 30 de lampadas e dae su 15 de capudanni fintzes a su 15 de santuaine, is proprietarios e cuddos chi tenent sartos in afitu podent, asuta de sa propia responsabbilidade penale e civile, abbrussare s' arrestugu, s' iscomadura, is molargios, e su pàsculu cun matedu solu si tenent s' autorizatzione de sa forestale chi est cumpetente in su territóriu in ue depent pònnere fogu.

Dae su 1° a su 20 de tríulas e dae su 20 de austu a su 15 de capudanni, solu in is terrinos in ue du est s' abba aintru, cun is propias modalidades immentuadas in su primu coma est cunsentidu:

- Abbrussare su terrinu po ddu torrare a pònnere a cartzofaias o a ortu
- Abbrusiare su chi abarrada de cartzofaias o de ortos
- Abbrusiare sa scoma de comente si sunt pudadas is matas de aràngiu

S' autorizatzione a pònnere fogu at a depere essere giada apustis de aere fatu is doas pro impedire si capitat chi su fogu potzat camminare

Custos períodos ant a podere essere cambiados cun is propias modalidades immentuadas in s' artículo 3

Is autorizatziones inditadas in custu artículo non si podent zare, francu diferentes dispositziones de is autoridades cumpetente, pro cantu pertocat giassos de importu pro sa

comunitade o giassos a protetzione ispeciale, individuadas cunforme a is diretivas 92/43 CEE e 79/409/ CEE.

Is autorizatziones giadas a suetos chi impreant finantziamentos erogados dae s' unione Europea pro mesu de sa política agricola comune, ant a essere postos a dispositzione de is Ufitzios

Artículu 13 *Disponiduras po pònnere fogu*

Pro programmare comentu si depet partziri su territóriu e su tempus, is richiestas de autorizatzione pro abbrusiare ant a dèpere essere cuntzedias apustis de aere biu comentu est su logu. Is autorizatziones ant a dèpere essere presentadas assumancu 10 dies ainnantis de candu si cheret pònnere su fogu a is Istatzione de sa Forestale chi tenet podere in cussu territóriu o a su servitziu territoriale de su CFVA, impreande su módulu chi andat in paris a custa arregolta de régulas.

Is Istatziones de sa Forestale ant a podere cuntzedere dogna die, pro dogna comunu, deghe autorizatziones, chimbe de pònnere in pràtica a su manzanu e chimbe a su sero.

Si ant a podere abbrusiare su prus 6 ètaros de terrinu.

Su permissu pro pònnere fogu si ant a giare apustis de aere biu comentu est su logu.

Is autorizatziones giadas de is Istatziones forestales si ant a depere ammustare, si benint richiestas, a is barratzellos.

Su fogu si at a podere pònnere apustis de aere avisadu sa forestale chi tenet podere in su territóriu inditende sa die e s' ora.

Su fogu a dogna modu non si at a podere pònnere si du est bentu o de is 10 a is 18.

Sa persona chi tenet su permissu de pònnere fogu chi du at a depere istudare si càmbiat su tempus, e a dogna modu prima de si che andare .

Si su tempus est cambiau de acordu cun is servitzius territoriales de sa zona interessada, su direttore de su servitziu territoriale de su CFVA at a podere disporre sa temporanea suspensione de is autorizatziones giai lassadas, trantzinde o anticipende s' ora de divieto, e informande cussos chi teniant s' autorizatzione. Candu at a finire su divieto, sa istatzione forestale at a provedere a istabbilire torra is dies pro abbrusiare.

Is autorizatziones giadas de is istatziones de sa forestale e de su servitziu de s' ispetorau dipartimentale pro cantu previdiu de su titolu IV si ant a dèpere trasmíttere a su Comunu interessadu e a is cumpagnias de is barratzellos chi tribagliant in làcanas de su Comunu itotu e a is vîgiles de su fogu chi tenet cumpeténtzia in cussu territóriu etotu.

TÍTULU V *Normas de preventzione*

Intra de su 30 de lampadas is proprietarios e totu cuddos chi tenent territórios in afitu chi appartenint a calesisiat categoria de impreu, ddu ant a depere pulire, diat a essere ca chi ant a dèpere segare totu sa malesa s' arù, s' arrestugu, s' erba sicada e apustis chi ant a dèpere fulliare dogna cosa chi potzat pigare fogu fintzes s' imbirdiu, custu tribàgliu andat fatu in totu s'ala de acanta de su caminu assumancu pro tres metros.

Custa fàscia at a dèpere essere fata fintzes acanta de sa cungiadura comentu chi siat fata.(a muru, a rete, a crisura)

Totu is proprietarios depent fintzes fàghere doas cunforme a cantu est inditadu in su coma 1, totu a inghíriu de is domos de sartu e de is possessos in ue due paschit bistiamene, sa doa depet essere larga assumancu 5 metros.

Fintzes is proprietarios de terrinos chi sunt acanta de sa bidde ant a depere fàghere doas diasi comente inditau como.

Artículu 15

(Depositos de materiale chi podet pigare fogu)

Is rifornidores e is depositos de carburante, de linna , de ortigu, de fenu e de atras cosas chi podent pigare fogu, chi si agatant foras de sa bidde, ant a dèpere essere cunformes a is normas e critérios de siguresa e ant a dèpere essere munios de is autorizatziones previdias de is normas chi sunt in vigore.

Is proprietarios e gestores imentuados in su coma precedente aintru de sa primu die de lampadas tenent s' obbrigu de fàghere, a inghíriu inghíriu de custos depositos, doas largas assumancu 10 metros, sena de calesiat materiale chi potzat pigare fogu, a dogna modu sa larghesa non podet essere prus pitica de s' artesa de su muntone de materiale chi diat a podere pigare fogu.

Artículu 16

Istradas e pertinentzias istradales

L' A.N.A.S. S.p.a., is Amministratziones ferroviarias, is Provintzas e is Comunes, ant a depere, aintru de su 15 de lampadas, pentzare a chi segare su fenu e sa crisura e a chi ddu fulliare.

Is Entes immentuados in su coma de ainnantis ant a depere providire, dogunu pro cantu di cumpetet, a chi fulliare totu sa malesa e s' aliga chi si agatat in su caminu.

Custa situatzione at a dèpere essere muntenia pro totu su períodu chi est prus perigulosu diasi comente si narat in su artículu 3.

Pro custa operatzione su Servitziu Territoriale de su C.F.V.A. cumpetente pro su territóriu, in funtzione de su clima at a podere cuntzèdere una pròroga de 15 dies.

Artículu 17

Lineas eletricas

Aintru de su 15 de lampadas is proprietarios e is gestores de eletrodotos ant a depere amrugare totu cuddas naes chi tocant sa línia eletrica, si depet fàghere in modu chi siant assumancu a 2 metros pro sa media tensione e a unu metru pro sa bassa tensione; is proprietarios de terrinos non si ant a podere negare a manera peruna de fàghere intrare a su terrinu e de fàghere su tribàgliu.

Aintru de custu término etotu is proprietarios e is gestores de cabbinas eletricas a palu o in muradura, si privos de dispositivos cun spinterometro e iscarigadore, ant a depere providere a pulire a inghíriu inghíriu assumancu pro 5 metros.

Pro custu tribàgliu su servitziu territoriale de su C.F.V.A. cumpetente in funtzione de su clima, podet cuntzèdere una pròroga pro s' imprus de 15 dies.

Artículu 18

Pro si che fuire si ddu est s' apretu

Su Sìndigu pro evitare chi sa circolazione de is màchinas siat ostaculada fintzes de mezos frimmos, depent providere, mascamente in is àreas de frequentza turística, a dispònere totu is presídios chi ant a dèpere garantire giassos siguros pro si che fuire si capitat chi due siat s'apretu o pro garantire su tribàgliu de is mezos de socursu.

TÍTULU VI

Normas de preventzione pro is isediamentos turísticos ricetivos

Artículu 19

Disposiciones generales

Aintru de su 15 de lampadas is proprietàrios, is amministradores, e is gestores de insediamentos turísticos, de campègios, de villàgios turísticos, de albergos, de ristoranti de agriturismos, chi si agatant in calesiat terrinu a parte sa classe de impreu in ue su insediamentu est inseridu, depent pònere in pràtica is normas de siguresa chi si agatant in custu títulu.

Artículu 20

Informos asua de is misuras de siguresa de su fogu pro sa populatzione turística.

Ponende in contu comente càmbiat in presse sa populatzione turística at a dèpere essere assicurada una adeguada informatzione de is misuras de siguresa e de is cumportamentos de tènnere pro si diffèndere si capitat chi si che peset su fogu.

Is Comunes, fintzes in s' ambito de su pranu de protetzione civile comunale, narant a is sugetos imentuos in s' artículu de innantis is contenutos de s' informatzione cun particolare riferimentu:

- de is normas generales de prudèntzia e de cumportamentu;
- A totu is notizias de detàgliu e de importu in emergentzia chi pertocant sa localizatzione de su sito

Is informos si ant a depere fàghere in prus limbas e si at a depere difondere pro mesu de cartellones o opusculos de giare a is turistas candu arribbant.

Artículu 21

Normas de esercítziu pro su provedimentu de su fogu

In totu su logu in ue si esercitant is atividades inditadas in custu títulu si ant a dèpere arripetare is normas de esercítziu chi sighint:

- Segare su fenu, is molas sicadas e sa crisura e apustis pulire e fuliare totu, mascamente s' imbirdiu e totu cuddas cosas chi podent pigare fogu.
- In is campegios, aprontare e inditare unu locale in ue, si due s' apretu, ant a essere giadas dae is ospites bòmbolas de gasu e tambulanas prenas de licuidu chi podet pigare fogu.
- Aprontare unu pranu pro si che fuire de sa istrutura ricetiva
- Fàghere a ischire a su personale chi due tribagliat custas normas de esercítziu, s' impreu de mezos e atrezaduras po istudare su fogu e is atziones de primu interventu , fintzes pro mesu de cartellones de pònere in logu adatu.

- Ordintzare assumancu una esercitatzione in su perìodu inditadu in su artìculu 3 pro chi pònnere in pràtica unu pranu de evacuatzione.
Custu pranu de avacuatzione at a depere providire custas misuras de màssima:
- Modalidade de diramatzione de allarme pro mesu de s' impiantu de amplificatzione e sistema pro chi allargare sa gente.
- Sa ponidura foras de tensione de s' impiantu eletricu
- Atzionamentu de dispositivos contra de su fogu
- Approntadura de mezos antincendiu
- modalidades de circoscritzione pro cantu est possìbbile de s' incendiù allargandechè totu sa cosa chi podet pigare fogu
- modalidades pro tzirriare azudu si capitat chi due siat su fogu
- individuatzione de una o prus pessones chi potzant zare informatziones a is iscuadras de s' antincendiu.

Artìculu 22

Is doas

Is complessos inditados in su artìculu 19 ant a dèpere portare totu a inghìriu is doas, diat a essere una pículu de terrinu bene puliu largu assumancu 10 metros.

Is doas francu pro is campègios in ue non sunt richiestas si ant a dèpere fàghere

- a làcanas cun atos cumplexos ricetivos
- a làcanas cun insediamentos o istruturas ricetivas
- a làcanas cun terrinos semenados o postos a matas de fruta.

In sa larghesa de is doas due ant a podere essere istradas e campos isportivos.

Si sa doa non si podet fàghere su propietariu at a depere providere a muntènnere s' erba frisca abbada assumancu una borta a sa chida.

Artìculu 23

Parchegios e lozas

In totus is atividades ricetivas immentuadas in su artìculu 19 si ant a depere aprontare obrigatoriamente, una zona destinada a parchegiu.

Su parchegiu at a depere essere fatu in mudu chi is màchinas siant a su siguru si su fogu benit dae fora o si su fogu benit e si che est isvilupadu aintru.

Si su parchegiu est istetiu fatu acanta de erba sicada, si at a depere fàghere totu a inghìriu una doa larga assumancu 10 metros.

Sa larghesa at a podere essere de 5 metros si ddu est unu muru de assumancu 60 cm de artesa e si in foras sa vegetatzione est erba.

Totu a inghìriu si at a arare candu incomintzat s' istadiale o muntenia birde abbande.

Aintru si ant a podere pònnere matas pro fàghere umbra a is màchinas. Su logu destinadu a chi pònnere is màchinas si at a depere muntènnere puliu de crisura e malesa

Non si podent fàghere lozas cun cosa chi podet pigare fogu.

Artìculu 24

Impiantu de abba e mezos antincendiu

Is complessos a caràtere ricetivu ant a dèpere essere dotados de impiantu de abba antincendiu costituitu de bucas de incendiù UNI 45 derivadas, cun tubos de 40 mm, dae una linia de aduzione printzipale.

Dogna buca at a dèpere tènere una portata de 120lt/min e sa portata a su bochetto assumancu de 120lt/min sa pressione assumancu de 2 bar. Dogna idrante, bene inditadu e postu in logu in ue si podet biere bene at a dèpere portare sa serracinesca e tubos flessibiles UNI 45 dae 20/25 m e lancia a geto in cassetta aprontada a posta.

Su impiantu at a dèpere essere in forma de anedu e in linias indipendenti cun serracinesca pro garantire sa funtzionalidade de s' impiantu fintzes si unu tratu est o si at a pòdere agatare foras de servitziu.

Sa distanzza intra de is B.I. no at a dèpere essere de prus de 40 metros e comente si siat depet assicurare chi totu su logu potzat portare custa protezione. Is tubbos ant a pòdere essere fatos in PEAD e si ant a dèpere pònnere asuta de terra assumancu pro 70 cm; is deviaziones ant a dèpere essere de acciaiu.

S' alimentazione at a dèpere essere assicurada in alternativa pro mesu de:

- motopompa diesel
 - eletropompa cullegada a sa rete elettrica e a unu grupu eletrogeno
- Su cullegamentu a sa rete elettrica si at a dèpere fàghere asua de una linea preferenziale allatzada a zosso de su grupu de misura e de su limitadore de potentza cun setzionadore indipendente dae is linias aferentes dae atras utentzas. Su colegamentu a su G.E. at a dèpere garantire su funtzionamentu de is pompas fintzes si capitat s' esclusione de calesiat atru utilizzadore.

Sa portata e sa pressione ant a dèpere assicurare su funtzionamentu de totus is idrantes postos is su giassu prus longu cun assumancu tres bucas.

In logu acessibile a is mezos de succursu si ant a pònnere duos atacos UNI 70 fémina pro su cullegamentu de is pompas de is fortzas antincendiu.

Sa riserva de abba, aprontada si capitat chi si che peset su fogu, at a dèpere essere assumancu de 50 mc e at a dèpere garantire s' autonomia richiesta :

- assumancu pro una ora in is complessos amparados de doas
- assumancu pro tres oras in is complessos chi non tenent is doas ma chi tenet fàscias birde diasi comente inditadu in is artìculu 22

Depet essere fintzes previdia s' installazione de estintores portatiles de cussos tipos aprovados pro fogos de classe A B e C chi potzant istudare fogu non pro prus pagu de 21 A e 89 B in sa misura chi at a essere istabilida dae su locale cumandu VV.FF.

In is complessos de estensione prus manna de 10 etaros e cun capatzidade ricetiva prus manna de 1.000 pessones si at a dèpere prevedire s' impreu assumancu de unu mezu dotadu de atrezadura antincendiu chi at dèpere impreare zente chi dos ischit usare e chi ischit, si capitat, betare una manu de azudu a is iscuadras antincendiu.

Artìculu 25

(Impiantos eletricos e de amplificazione sonora)

Is impiantos eletricos ant a dèpere essere cunformes a is normas chi vigint asua de custas cristiones.

Is condutores interrados, francu diferentes disponiduras normative, ant a dèpere essere postos a una profundidade non prus pitica de 50 cm.

Is complessos ricetivos de capacidade prus manna de is 100 unidades, ant a dèpere essere servidos de impiantos de ampificazione sonora pro fàghere segnalatziones de emergentzia, cullegada a sorgente autònoma de alimentazione.

Artículo 26
(Rilasciu e rinnovu de sa licentza de exercítziu)

Is Sindigos de cussos territórios in ue due sunt atividades suetas a s' apricatzione de custas normas non depent lassare o rinnobare sa licentza de exercítziu, sena de aere pigadu sa documentatzione previdia de is normas vigentes in cristione de siguresa preventiva asua de is incendios e sena chi benzant respetadas is normas de custu título.

Artículo 27
(Óbbrigos pro is condomínios e is comuniones privadas)

Is normas de custu titulu si apricant a is condomínios e a is comuniones privadas postas in su buscu, solu si esistit unu impiantu de abba válidu.
Is comuniones e is condomínios inditados in custu artículo si ant a dèpere dotare de una riserva de abba pro istudare fogu assumancu de 10 mc pro dogna etaru de terrinu.

TITOLU VII
Muntonàrgios

Artículo 28
(Precautziones e óbbrigos contra su fogu in sa gestione de is muntonàrgios autorizados)

In sa gestione de is muntonàrgios autorizados, in su períodu inditadu in s' art. 3, si ant a dèpere portare a contu totu is precautziones pro evitare chi si che potzant pesare fogos, fintzes si non sunt istetias prescritas in is provvedimenti autorizativos.
Is titulares responsàbbiles de sa gestione de is muntonàrgios ant a depere, in custu medèsimu períodu, assicurare sa copertura de is muntonàrgios dogna die, aumentande s' atividade de controllu in is dies de perígulu prus mannu e providere a fàghere in sa zona interessada una doa pulia de erba sicada, malesa o atras cosas chi podent pigare fogu.
Dogna atra misura válida pro impedire chi su fogu potzat camminare at a dèpere essere posta in pràtica de is medesimos suetos.

TITOLU VIII

Vigilantza, preventzione, santziones

Artículo 29
Santziones

Francu ca su fatu est unu reatu, su de non portare a contu custas normas at a essere puniu cunforma a s' artículo 10 de sa lege 21 de santandria de su 2000, n. 353 chi previdit su de apricare una santzione amministrativa e sa pagamenta de unu tantu de dinari assumancu de 1032,00 euros e pro s' imprus de 10329,00 euros.
Cun riferimentu a is divietos inditados in is artículos de innanti in su períodu de arriscu mannu pro su fogu diasi comente inditau in su art. 3, su perígulu de fogu est presuntu.
In custu períodu etotu e foras de su buscu, asi comente si narat in su art. 4 in ue si apricat cantu est istetiu dispostu in su comma de ainnantis, sa contestatzione de is violatziones e divietos chi sunt in custas prescritziones, cun riferimentu a s' impreu de su fogu in terrinos sena de nudda o in possessos chi sunt aintru de terrinos serrados a muru artu assumancu unu metro , est subordinada a unu accertamentu de arriscu de fogu.

Pro apricare custas disponiduras in s' atru perìodu de s' annu, su arriscu de fogu at a essere cuncretamente valutadu, faende contu de su tempus, de sa vegetatzione e de dogna atra cosa chi podet essere útile pro valutare su arriscu etotu.

Artículu 30

(Personale chi tenet s' incàrrigu de cuntrollare)

Sa forestale, is vigiles de su fogu, sa politzia, is carabbineris, sa finantza, is s'indigos, is guàrdias, is barracellos totu in paris ant a depere fàghere atenzione a osservare custas disponiduras, e totu is leges e regulamentos in cristione de fogu e ant a pissighire totu is trasgressores cunforma de sa lege.

Artículu 31

(Collaboratzione de is cumpagnias de barracellos cun su CFVA)

Is cumpagnias de barracellos ant a agiudare su CFVA cunforma a is critèrios istabilidos cun decretu inter-assessorale de is assessores de is Entes Locales Finanzas e Urbanistica e de sa difesa de s' ambiente, n.1029 de su 19 de trìulas de su 1989 e cunforma a is diretivas e a is acordos fatos cunforma a is previsiones de su pranu de previsione, preventzione e cumbata contra de su fogu.

TITULU IX

NORMAS INFORMATIVAS E GENERALES

Artículu 32

Divietos in su buscu e is pasturas in ue ddu est passadu su fogu

Cunforme a s' artículu 10 coma 1 de sa lege 21 de santuaine de su 2000 n. 353 su buscu e sa pasturas in ue est passadu su fogu non si podent impreare pro cosas diferentes de comente fiant impreande. du prima chi passaiat su fogu assumancu pro 15 annos. Est permitia sa costruzione de òperas pùbblicas necessàrias a sa salvaguardia de sa incolumidade de s' ambiente. In totu is autos de còmpora e vendita de immobiles collocados in is zonas immentuadas, fatos aintru de is 15 annos de is cosas previdias dae custu comma, depent essere espressamente inditadu su vinculu de su primu perìodu , pena sa nullidade de s' autu. In is comunes chi non tenent pranu regolatore est vietada pro deghe annos, sa possibilitade de fraigare in zona posta a matedu in ue est passadu su fogu. Est vietadu pro deghe annos in custos territórios fraigare, francu si su fràigu fuit istetiu previdiu innantis chi in su possessu fessit intradu su fogu.

Sunt vietadas pro 5 annos, in custos territórios atividades de reboschimentu e de ingegneria ambientale fatos cun risorsas finanziarias pùbblicas, francu si ddu est específica autorizazione cuntzedia de su Ministru de su ambiente, pro is areas naturales protetas istatales o de sa Regione cumpetente, in totu is atrus casos pro documentadas siuatziones de dissestu idrogeologicu e in siuatziones de urgentzia.

Pro deghe annos, est fintzes vietadu in cuddos territórios in ue du est passadu su fogu, pàschiere e andare a cassa.

Artículu 33

Censimentu de is territorios in ue ddu est passadu su fogu de is Comunes

Cunforma a s' art. 10 comma 2 de sa lege de su 21 de santandria de su 2000 n. 353 is territorios in ue du est bintradu su fogu in custos últimos 15 annos depent essere censidos de is Comunes intra de is 90 dies de candu est istetiu aprovalu su Pranu Regionale de previsionu, preventzione e cumbata contra su fogu, faghinde contu de is rilievos fatos de sa forestale.

ALLEGAU A

Pigadu de su decretu legislativu 18 maju 2001, n. 227 in cristione de orientamentu e modernizatzione de su settore forestale a norma de sa lege de su 5 martzu 2001, n.57

Artículo 2

(Definitzione de buscu e de arboricoltura)

1. Pro custu decretu legislativu e pro dogna atra normativa in vigore in su territóriu de sa Repúbbrica is peràulas buscu, foresta o selva cheren nàrrere sa propia cosa.
2. Aintru de is dóighi meses dae candu est intradu in vigore custu decretu is Regiones istabilint pro su territóriu de cumpeténtzia issoro sa definitzione de sa peràula buscu e is valores mínimos de larghesa, estensione e copertura pro fàghere in modu chi una zona siat cunsiderada buscu;
 - Is misuras de is bàllios
 - totu cuddas cosas chi pro sa natura cosa issoro non si podent cunsiderare comente buscu

Benint cunsiderados comente chi fessint buscu:

- is territórios in ue du est s' óbbrigu de rimbuschimentu pro is finalidades de difesa idrogeologica de su territóriu, calidade de s' aria, amparu de su patrimoniu de abba, conservatzione de sa biodiversidade, amparu de su paesàgiu e de sa natura totu canta;
- Is areas forestales sena de copertura de matas e pro s' impreu fatu de sa forestale
- Is bàllios e totu is zassos prus mannos de 2000 metros cuadros chi interompint sa continuidade de su buscu.

Sa definitzione de is comas 2 e 6 si apricat pro individuare su terrinu ammantadu a matedu immentuadu in su artículo 146, coma 1, litera g de su D. L. 29 de santuaine 1999, n. 490.

- S' arboricoltura sunt is matas postas in terrinos no abbuscados pro sa produtzione de sa linna. Sa coltivatzione est reversibile a sa fine de su ciclu culturale.
- In is moras de s' emanatzione de is normas regionales immentuadas in su coma 2 in ue no est diversamente definidu de is Regiones si cunsiderant buscu is territórios ammontados de vegetatzione forestale arborea in paris a cussa naturale o artificiale, de calesiat istàdiu de creschida, de matas de castantza, de suerzu, de chessa, de murta, francu is giardinis púbbricos e privados is matas chi creschent oru oru de istrada, is matas de castangias chi sunt coltivande.
- Custa formatziones vegetales e is terrinos in ue si che sunt pesadas o sunt istetias postas depent tènere una estensione assumancu de 2.000 metros e una larghesa assumancu de 20 metros e is matas depent ammontare assumancu su 20% de su terrinu , cun misuratzione fata de sa base de foras de is truncos. Francu sa definitzione de buscu de suerzu inditada in sa lege de su 18 de triulas de su 1956, n. 759. Sunt postos in paris a su buscu is terrinos in ue du est su obbrigu de rimbuschimentu pro is finalidades de difesa idrogeologica de su tèrrinu, calidade de s' aria, amparu de su patrimoniu ídricu, arregolta de is biodiversidades, protetzione de su paesàgiu e de su ambiente e totu is atras isterrimentas prus pitticas de 2000 metros quadros chi interrumpint sa continuidade de su buscu.